

名

山

藏

名山藏卷之四十二

臣何喬遠恭輯

勲封記二

新寧伯譚忠滁清流人父淵以嗣開國功爲燕山副千戶從靖難奪九門永平大寧真定藁澹以都督同知與南軍戰夾河死軍中洪武三十五年贈崇安侯予諡追封特進榮祿大夫柱國伯祿千石賜世券與誓身免一死子一死宣德二年坐征交趾失律下獄赦出候三十二年卒子璟嗣正統十三年裕嗣天順元年祐嗣祐總兵京營恭謹守法累加太傅兼太子

太傅卒予諡嘉靖五年綸嗣總兵湖廣坐占役軍丁至二百五十以上革爵閒住二十七年功承嗣隆慶元年國佐嗣

右以父功封

忠誠伯茹瑄衡山人以貢士累兵部尚書建文君使入燕求和無所白燕王入金川首勸進洪武三十五年封奉天翊運守正文臣特進榮祿大夫柱國太子少保兼兵部尚書伯祿千石止其身坐歸里出長沙不謂谷王頌繫卒全家戍河池仁宗卽位賜歸

順昌伯王佐不知所始以都督同知入燕講和通謀

獻金川洪武三十三年封奉天朔運宣力武臣特進榮祿大夫柱國中軍都督府都督同知伯祿千石子孫世襲指揮使三年鎮雲南有罪下獄死除

平江伯陳瑄合肥人父聞以開國鑿指揮同知坐罪瑄代父謫戍遼陽與賈哈剌再日二十戰累進都督僉事建文時召防江具舟迎北軍洪武三十五年封奉天朔運宣力武臣特進榮祿大夫右軍都督府都督僉事伯祿千石子孫世襲指揮使賜券與誓免一死以總兵治漕內渠有功洪熙元年許世身免一死子免一死封三十二年卒追贈侯子諡贈太保兼太

子太傅子佐嗣卒追封侯贈太保兼太子太保正統  
二年豫嗣十三年以總兵出軍征福建叛寇有功其  
明年勦寇首鄧茂七進侯益祿百石景泰二年賜券  
卒贈太保兼太子太傅追封黔國公予諡天順八年  
銳嗣鎮兩廣勦蠻賊還總漕皆有功益祿二百累進  
太傅兼太子太傅卒弘治十六年熊嗣熊總漕不能  
常中貴人劉瑾逼索坐多置田宅漁民充軍海南瑾  
誅復爵卒子圭幼給祿卒亡子嘉靖元年弟子圭嗣  
卒加太保兼太子太傅子諡三十四年王謨嗣  
永春侯王寧壽州人尚太祖女懷慶公主爲駙馬都

以不附權勢誣陷洪武三十五年封奉天輔運推誠効義武臣特進光祿大夫柱國駙馬都尉侯祿千石世給誥券侯六年下獄卒除

右以推戴功封

廣平侯袁容壽人父洪以開國功官都督容尚燕永昌郡主以儀賓守北平永樂元年進郡主爲公主容爲駙馬都尉祿千石其年再論功封奉天靖難推誠宣力武臣特進光祿大夫柱國侯益祿五百與世券洪熙初僅與駙馬祿宣德元年與侯祿卒贈沂國公予諡四年子禎嗣卒亡子庶子瑄嗣長陵衛指揮僉

事天順三年與瓊侯卒其後世指揮

富陽侯李諒討人父中以開國功官指揮同知讓尚  
燕永平郡主以儀賓與袁容協守北平執謝貴取大  
寧戰白溝有功力戰破平安兵九門建文帝殺申族  
之永樂元年遣郡主爲公主讓爲駙馬都尉其年再  
論功封奉天靖難推誠宣力武臣特進榮祿大夫柱  
國侯祿千石卒贈景國公子諡八年茂芳嗣二十二  
年坐事奪券卒子興正統二年授長陵衛指揮僉事  
天順元年嗣任卒子欽授指揮僉事如故

豐城侯李彬定遠人或曰和人父信以開國功僉假

指揮彬嗣官爲真從靖難攻薊轉戰雄鄭真定援永平克大寧蹂躪上畧廣昌蔚白溝滄單橋葉城追奔順德哨定爲最永樂元年再論功以都督僉事封奉天靖難推誠宣力武臣特進榮祿大夫柱國同知右都督府事侯祿千石賜世券與誓身免二死子一死六年以與征蠻將軍輔征交趾有功益祿五百石封二十二年卒贈茂國公予諡二十一年賢嗣卒封豐國公予諡景泰四年勇嗣成化十四年加太子太保卒成化十九年璽嗣卒亡子勇庶子旻正德三年嗣嘉靖二年以奉迎防守功加太子太傅卒亡子十年



弟早子熙嗣卒亡子三十六年從子儒嗣萬曆元年

環嗣

寧陽伯陳懋壽人父亨以開國功累都督僉事建文  
初爲大寧行軍都督從燕戰壩上先登死鐸山贈涇  
國公子諡懋以舍人從父兵爲前行有功鄭村濟夾  
河東阿東平汶上竟靖內難永樂元年再論功以中  
府右都督封奉天翊衛推誠宣力武臣特進榮祿大  
夫柱國伯祿千石賜世券與誓身免二死子一死七  
年捕虜赤保連進侯軍中益祿三百石身免二死子  
二死二十二年以累征虜有功加太保洪熙元年與

世侯正統元年坐總兵守邊失機開住五年仍給祿  
景泰三年加太子太保天順元年加祿二千石卒贈  
濟國公予諡長子晟先坐事充軍七年懋庶子潤嗣  
卒亡子成化七年懋庶子瑛嗣二十二年晟子輔仍  
侯弘治元年坐荒淫失侯卒亡子正德元年瑛孫繼  
祖嗣嘉靖三十七年維藩嗣隆慶二年大紀嗣萬曆  
元年應詔嗣

武義伯王通咸寧人父真以開國功爲燕百戶從燕  
攻九門有功歷都指揮使戰死淝河永樂元年追封  
金鄉侯予諡進贈寧國公再論通靖難功封特進榮

祿大夫柱國伯祿千二百石賜世券與誓身免一死  
子免一死七年爲天子治方中十三年進封成山侯  
子世二十三年給侯券身免二死子免一死以父功  
益加千石宣德元年以征夷將軍鎮交阯黎利反不  
能守繫獄籍爲民正統十四年起爲都督僉事以禦  
虜功陞同知卒子琮授景陵衛指揮僉事天順元年  
復琮成山伯卒成化十年鏞嗣卒嘉靖四年洪嗣卒  
二十五年維熊嗣卒隆慶四年應龍嗣

清遠伯王友荆人父榮以開國功爲燕山護衛百戶  
友嗣父官從燕累功水樂元年再論功以都指揮僉

事封奉天翊衛宣力武臣特進榮祿大夫柱國伯祿  
千石六年征交趾有功進封奉天靖難推誠宣力武  
臣特進榮祿大夫柱國侯予世券七年坐轉餉胡中  
後明餒死士奪兵八年坐縱虜失律下獄論死久得  
釋予賴以征胡立功陞指揮僉事卒庶子鑑嗣都指  
揮使

榮祿大夫柱國侯予世券七年坐轉餉胡中  
後明餒死士奪兵八年坐縱虜失律下獄論死久得  
釋予賴以征胡立功陞指揮僉事卒庶子鑑嗣都指  
揮使  
有功永樂元年再論功以都督府僉事封奉天翊衛  
宣力武臣特進榮祿大夫柱國伯祿千石予世券卒  
十三年予智以自獲功爲指揮使十三年嗣坐鎮交

陟失利奪侯正統中會赦爲宣府左衛指揮使卒孫  
勇勇子雄皆都指揮同知

安鄉伯張興壽人以勇士從開國累功指揮僉事從  
燕奪九門取薊遵化密雲鄭雄真定永平力戰大寧  
壩上蔚大同滄東昌夾河藁城下西水竟靖內難永  
樂元年再論功以都指揮同知封奉天翊衛宣力武  
臣特進榮祿大夫柱國伯祿千石予世券卒亡子十  
七年允子勇嗣坐隨駕征沙漠爲事發總旗交陟十  
年赦復卒十五年子安嗣安與苗戰死軍中亡子景  
泰三年弟寧嗣弘治六年恂嗣正德二年孫坤嗣嘉

靖三十三年鐸嗣亡子四十年第鉉嗣

年世恩

嗣

遂安伯陳志巴人以開國功累燕山中護衛指揮僉  
事從燕奪九門戰懷來雄鄭真定援永平復大寧趨  
壩上下蔚先登白溝夾河摧藁城追奔彰德守王城  
門赴急保定永樂元年再論功以都指揮同知封奉  
天翊衛宣力武臣特進榮祿大夫柱國伯祿千石賜  
世券與誓身免一死子免一死志有子良坐罪充軍  
生子瑄次子春指揮僉事有隨征功生子瑛永樂八  
年志死瑄瑛爭嗣天子曰瑄長瑛功闡之瑛得伯卒

正統十一年靖嗣十四年隨駕沒土木亡子其年弟  
韶嗣成化申坐受賄枉法當死發遼東立功久之赦  
還復爵弘治七年加太子太保十一年加太子太傅  
卒十七年總嗣嘉靖二年以迎立防守功加太子太  
保卒隆慶六年孫澍嗣

右以靖難功封

定國公徐景昌鳳陽人父贈壽中山武寧王次子以  
戰功爲右軍左都督數從燕王出塞征乃兒不花於  
燕爲密靖難兵入金川增壽爲建文君所殺洪武三  
十五年追封武陽侯予諡永樂二年加贈定國公封

景昌欽承祖業推誠奉義武臣特進榮祿大夫右柱  
國公祿二千五百石賜世券與誓身免二死子一死  
二十二年坐劾奪爵洪熙元年還公卒正統三年顯  
忠嗣景泰六年永寧嗣疾失心成化二年坐謾毀制  
書還爵閒住卒弘治十七年孫光祚嗣嘉靖二年論  
奉迎防守功加兼太子太傅五年以修睿帝實錄加  
太師兼太子太師卒嘉靖八年延德嗣卒隆慶元年  
文壁嗣

加太子太傅

右以父恩封

西寧侯宋晟定遠人從渡江累官右軍都督僉事永



名山藏

卷之四十二

二

八

樂三年以平寇將軍諭降把都帖木兒倫篤兒灰卽  
軍中封推誠輔運宣忠効力武臣特進榮祿大夫柱  
國後軍都督府右都督祿千百石子孫世襲指揮使  
犯罪免一死卒永樂六年許其子琥侯洪熙元年奪  
侯與其弟瑛瑛禦虜敗沒進封鄆國公景泰元年傑  
嗣卒天順元年誠嗣卒亡後二年誠弟讓嗣成化十  
一年愷嗣正德十六年良臣嗣嘉靖三十四年天馴  
嗣嘉靖四十五年公度嗣卒  
年世恩嗣有

傳

右以征西功封

黔國公沐晟西平侯子以左都督襲侯永樂六年以  
與征蠻將軍輔擒黎季犛斬馘最進封顯忠輔運推  
誠宣力武臣特進榮祿大夫右柱國黔國公祿三千  
石賜世券與誓身免二死子一死世鎮雲南二十二  
年加太傅正統三年征麓川班師道卒追進定遠王  
予諡凡侯三十歲正統五年斌嗣成化元年琮嗣十  
九年以削平鍊索箐諸賊功加太子太傅卒亡子弘  
治十年姪崑嗣正德十六年紹勳嗣嘉靖十五年朝  
輔嗣二十六年融嗣幼以朝輔弟朝弼爲都督僉事  
領鎮卒亡子弟鞏嗣天二十八年朝弼嗣公隆慶四

年奪爵罷鎮使其子昌祚嗣朝弼嬖孽子欲奪之竟  
遠死於南京

安遠伯孫升懷寧人父崇開國功嗣百戶從燕取懷  
來密雲白溝東平有功六年以與征蠻將軍輔征交  
陞論功封奉天翊衛宣力武臣特進榮祿大夫柱國  
伯于世券八年北征至玄冥河進流侯益祿五百石  
乃世伯身免一死子免一死二十二年從駕征至蒼  
崖峽免州力河慶州有功加太子太傅與世侯宣德  
二年以征虜副將軍再征交陞傷鏢卒追封融國公  
子諡凡封二十一年子溥嗣景泰三年加太子太傅

二年加太子太師天順元年加太傅二年奪太傅開  
國四年復侯卒子承慶痺不能侯五年孫景嗣弘治  
甲申坐賊死二命奪侯久之復閒任卒弘治十六年文

嗣嘉靖十二年

嗣

建平伯高士文咸寧人以開國雲南塞北功陞燕山  
護衛百戶從靖難戰大寧廣昌白溝夾河東平陷陣  
先登以都督僉事征交趾平其餘寇進追賊中飛砲  
死贈伯使子福嗣食祿千三百石與世券卒子遠嗣  
卒子震病不能嗣弟進嗣卒無子弟子儼嗣卒無子  
義子李繼宗冒嗣竟除

右以征安南功封

寧遠侯何福未詳何許人以開國功累官都督僉事永樂初以都督同知爲征虜前將軍總兵鎮陝西寧夏節制甘肅河南山西諸兵七年撫歸附酋虜卽軍中封侯祿千石八年以罪自經死追奪侯有傳

恭順侯吳允誠永樂三年以北胡歸附陞右府都督僉事賜姓名累征胡有功九年以左都督封伯食祿千二百石賜誥卒十六年子伯容賜名克忠嗣洪熙元年以從征擒胡功進侯予世食祿千二百石身免二死子免一死賜誥券正統九年以擒胡喜峰口加

太子太保十四年從死於土木子瑾嗣天順五年與曹欽戰死成化五年子鑑嗣正德二年子世興嗣嘉靖二十七年子繼爵嗣四十二年加太子少保

忠勇王金忠永樂二十一年以虜歸成祖塞外封忠勇王賜姓名洪熙初加太子太保支二俸宣德四年進太保除

廣寧伯劉榮以小旗從靖難歷中軍右都督永樂十七年以左都督充總兵官鎮守遼東用捕倭功封奉天翊衛宣力武臣特進榮祿大夫柱國伯祿千二百石賜券與誓身免一死子免一死卒追封侯子諡十

八年肅嗣亡子宣德十年弟安嗣天順元年進侯五年加太子太傅卒追贈嶧國公成化十二年兄子瓘嗣子璇予錦衣正千戶瓘卒亡子成化十六年璇仍嗣伯弘治二年佶嗣嘉靖二年泰嗣三十一年允中嗣

安義侯郭義泰安州人以張士誠小較拔歸太祖立功山東河南征王保保破雪山等寨克四川出寨征胡陞燕山護衛副千戶從靖難取懷來破雄下鄭克真定援永平取大寧屢戰壩上殺傷過當累陞中軍都督十八年侯祿千一百石世指揮使

陽武侯薛祿膠人以卒從靖難奪九門攻薊破雄鄭  
圍真定擒駙馬堅援永平襲大寧旋師解北平圍戰  
白溝夾河滹沱先登被擒單橋奮縛斬守兵再力戰  
大敗平安軍轉戰淮陞督府僉事從征胡有功進右  
軍都督永樂十一年侯祿千一百石世指揮使從征  
胡洪熙元年充鎮朔大將軍巡邊戰虜大松嶺斬獲  
多與世券加祿五百宣宗中以先鋒擒高煦留鎮樂  
安明年從巡邊出會州戰敗虜充鎮朔大將軍護餉  
開平再巡邊戰虜鳳凰嶺斬其酋收孳畜數萬加太  
保侯

卒贈鄞國公子諡誥嗣景泰四年琮嗣



成化十五年倫嗣嘉靖九年翰嗣亡子祿次子讚之  
孫幹嗣

惠安伯金玉不詳所始永樂七年以督府僉事從出  
塞護輜重十八年封伯流祿八百石世指揮使

永順伯薛斌昌平人嗣父爲燕山右護衛指揮僉事  
從靖難累功歷陞都督同知永樂十八年封伯流祿  
九百石世指揮使卒仁宗使子嗣賜名綬正統十四  
年沒土木贈侯子諡景泰元年輔嗣成化十二年勳  
嗣正德六年授子璽指揮使如初券

武進伯朱榮沂人以開國功累陞太寧前衛左所副

千戶從靖難累功歷陞左府都督僉事永樂四年征交趾胡寇皆有功永樂二十年封奉天翊衛宣力武臣特進榮祿大夫柱國伯祿一千二百石子孫世襲賜誥券卒追封侯予諡洪熙元年冕嗣正統四年充總兵官鎮守大同死土木贈侯予諡子瑛嗣天順四年雲嗣亡子成化十年弟霖嗣弘治二年潔嗣正德三年本嗣亡子十二年潔弟江嗣亡子嘉靖十八年從弟海嗣嘉靖三十七年承勳嗣隆慶六年世雍嗣安順伯薛貴昌平人以舍人從靖難脫成祖於險累功陞都指揮使再從征胡功陞督府僉事永樂二十

年封伯祿九百石洪熙元年予世宣德元年進侯加祿三百石與券卒亡子贈濱國公予諡宣德十年命其弟可可帖木兒世京衛指揮使

右永樂年封王一人公五人侯二十三伯二十  
六人世二十七人除二十七人停一人

保定伯梁銘汝陽人嗣父燕山護衛百戶從靖難守戰積功爲都督府僉事洪熙元年進同知充參將出鎮寧夏論靖難守城功封伯祿千石與世券宣德初卒交阯軍中子瑤嗣正統十四年充副總兵征鄧茂七有功師旋餘黨復亂被劾降爲事官景泰二年充

平蠻將軍征湖貴寇韋同烈平之三年進流侯加祿  
五百石世伯天順元年充總兵鎮守陝西虜寇涼州  
擊走之居七年召還與世侯卒贈蠡國公予諡瑤數  
掌兵不妄殺子弟從征以功授官悉辭不受子傳嗣

年子任嗣

年子永福嗣

年子繼藩嗣

世

清平伯吳成買驢遼東人洪武二十年來歸附充永  
平衛總旗從靖難有功累陞山西都指揮使歷征胡  
有功宣宗卽位以洪熙元年以左都督征大松擒生  
斬首封奉天翊衛宣力武臣特進榮祿大夫柱國伯

祿千百石賜誥券身免一死子免一死宣德四年進  
侯八年卒追封渠國公予諡十年孫英仍襲伯天順  
八年子璽嗣成化十五年從弟琮嗣正德二年傑嗣  
嘉靖二十年家彥嗣萬曆四年國乾嗣世

廣義伯吳管者從父允誠自胡中降附擒獲脅叛胡  
人從出塞斬虜降附部落歷陞左都督洪熙元年封  
伯祿千石與世券卒子琮嗣竟除

忠勤伯李賢韃靼人故元兵部尚書名丑驢洪武中  
歸附賜姓名譯虜書侍仁宗東宮恭慎擢紀善論靖  
難功陞都指揮僉事仁宗卽位進右都督以征胡功

封伯祿千百石年八十餘卒除

右以征胡功封

右洪熙年封伯四人世二人除二人

崇信伯費獻定遠人祖愚以開國功歷陞燕山中護  
衛指揮使獻代父爲官從靖難陞右軍都督府左都  
督鎮守甘肅撫綏勞徠宣德元年眷念舊人封奉天  
翊衛宣力武臣特進榮祿大夫柱國伯祿千百石世  
與券身免一死子免一死卒宣德三年子釗嗣成化  
八年淮嗣弘治十一年柱嗣卒亡子嘉靖十年弟棧  
嗣十八年煒嗣三十五年坤嗣萬曆二年甲金嗣

奉化伯滕定父瓚住明初以元樞密知院自山後來  
降賜姓授會州衛指揮僉事從靖難歷燕山右衛指  
揮使定嗣官以金吾左衛都指揮同知出塞征胡累  
有功宣德四年封伯祿八百石券不世卒官子福指  
揮使

會寧伯李英明初父南哥自西陲來降授西寧衛管  
軍所鎮撫招撫西番八族累功陞西寧衛指揮僉事  
英嗣官從成祖征胡戰敗老的沙於涼州永昌後再  
從征胡累都督指揮同知洪熙元年虜安全王之殺  
掠使臣者掠男女千餘人駝馬十三萬仁宗勅勞之

臣古名爭陞右軍都督府左都督宣德二年勦平掠  
邊西番兒加四年封伯祿千一百石鎮守西寧英  
才略有膽所部皆西邊精銳士當者輒破敗七年坐  
史德順通構讒下詔獄削爵正統中官其子昶錦衣  
指揮臣知天順元年進都指揮使景官督府予世錦  
衣使

順義伯金順故名阿魯哥失里永樂七年自瓦剌來  
降授大寧都指揮僉事八年從北征追敗本雅失里  
阿魯台進同知洪熙元年陞都督府僉事宣德三年  
從巡邊擒虜四年以金勞封伯祿八百石卒官之息



指揮僉事

右宣德年封伯五人世一人除四人

定西侯蔣貴代父爲燕山中護衛軍從靖難陞昌國  
衛指揮同知征胡有功陞都指揮僉事以勦捕松潘  
累攻西番蠻寇自都指揮同知累都督同知充總兵  
官鎮守松潘等處正統三年以右都督副總兵征朵  
兒只伯斬捕首虜中律封奉天翊衛宣力武臣特進  
榮祿大夫柱國伯祿千二百石予世賜券身免一死  
子免一死七年以征麓川功進侯祿千五百石身免  
二死子免一死卒追封涇國公予諡孫琬嗣成化中

累加太保兼太子太傅卒追封涼國公二十三年襲嗣正德四年廢嗣嘉靖十一年傳嗣卒無子三十五年弟佑嗣萬曆三年建元嗣

會川伯趙安狄道人從兄琦爲土指揮同知坐罪死安謫戍甘州永樂元年進馬除臨洮百戶使西域從北征歷功陞指揮同知宣德二年以都指揮同知充參將征松壘番散刺五年以督府僉事充參將從史昭討曲先十年援甘涼鎮番正統元年以都督同知充副總兵征朶兒只伯捕首虜中律封伯祿千石流卒子英爲指揮使以功陞督府同知卒予世指揮使

寧遠伯任禮臨漳人以燕山護衛軍從靖難累功陞都督指揮同知四從出塞征胡陞都督府僉事宣德元年以都督同知征漢正統三年以右都督總兵征朵兒只伯斬捕首虜中律封伯祿千二百石流十二年降沙州都督喃哥等十年與世伯卒贈侯子諡子壽嗣壽鎮守陝西征滿四失律論死宥戍邊與世指揮使

修武伯沈清滁人世官燕山百戶從靖難累指揮同知出塞征胡陞督府僉事洪熙元年充參將守居庸宣德初從征漢扈駕出大寧再進都督正統元年與

太監安工部尚書中修建京師九門城樓六年以營  
建宮殿功封祿千一百石伯一年卒予諡子榮嗣沒  
土木削爵景泰三年子煜仍嗣減祿三百石天順初  
贈榮侯予諡成化十三年煜坐淫酗失侯卒子棋嗣  
卒亡子弟坊嗣卒弘治十四年以清伯非軍功予錦  
衣世指揮使

永寧伯譚廣丹徒人從靖難再從出塞征胡以都督  
鎮守宣府正統六年捕虜獲胡馬中律封奉天翊衛  
宣力武臣特進榮祿大夫柱國伯祿千二百石流侯  
四年卒見臣林子孫世指揮使

平鄉伯陳懷合肥人父甄以開國功爲真定副千戶  
懷嗣官陞通州正千戶從靖難歷陞都指揮僉事守  
遼東永樂六年以白堂海口功陞都指揮使從出塞  
陞都督同知以總兵勦松番斬捕功多陞都督正統  
九年以總兵出古北口捕斬首功虎頭山封伯祿千  
一百石流侯五年歿上木贈侯予諡以其父子歿於  
軍予子黼嗣伯卒仍與子政伯卒以政有用兵兩廣  
功與子信嗣伯卒與世指揮使

靖遠伯王驥東鹿人正統七年以兵部尚書總軍雲  
南勦平麓川寇封推誠宣力武臣特進榮祿大夫柱

國伯祿千二百石身免一死子孫世指揮同知八年  
復征麓川擒獲黨■賊首六十餘人九年加祿米三  
百石十三年總督軍務征勦孟養賊子思機發首奪  
金沙大江攻破賊柵擒獲賊黨十四年勦殺湖貴苗  
賊首剗平王景泰元年予世加祿米百石賜券天順  
元年改封奉天翊衛推誠宣力守正文臣特進光祿  
大夫柱國加祿百石凡伯十一年卒贈侯予諡子瑞  
嗣成化七年添嗣十九年憲嗣正德十年瑾嗣萬曆  
元年學詩嗣卒亡子四年弟學禮嗣

忠勇伯蔣信故名把台以也先土干甥從降歷戰塞

北有功陞都督正統中封伯祿千石土木敗降也先也先合居其弟賽罕王部下竟從上皇歸卒贈侯子

諡

右正統年封侯一人伯八人世一人除七人

昌平伯楊洪六合人祖政立功世漢中百戶洪嗣官調開平累功都指揮正統初以都督守獨石敗虜宣府大石門竇昌州捕虜阿台打刺花斬首功二百十三年封伯祿千石充總兵鎮宣府十四年坐英宗駕陷虜逮繫獄虜犯京師出獄立功與孫鏗范廣等擊虜涿州紫荊等處遂至固安大捷捕虜阿歸等四十

八人斬首功四百八十邀還俘掠人萬計馬牛弓刀  
數萬虜退進侯景泰二年賜世券還鎮宣府卒贈穎  
國公予諡子傑嗣侯卒亡子庶允俊先以擒叛者喜  
寧功陞都督坐罪論死得降都督僉事嗣侯卒復坐  
法當死侯子珍嗣天順元年坐黨附于謙伏誅珍  
戍廣西天順八年赦還授龍虎指揮使孫越調開平  
武清伯石亨渭南人嗣伯父爲寬河衛指揮僉事以  
出征有功累陞都指揮使正統十二年遷大同左參  
將守萬全十四年以英宗駕陷虜繫獄虜犯京師出  
獄立功戰虜安定門蹂之彰義門追敗之清風店論



功封伯尋進侯兼太子太師總京營天順元年以奪門迎駕功進封忠國公賜奉天翊衛推誠宣力佐理武臣特進光祿大夫右柱國給誥券身免三死子免二死進封三代祿二千石天順四年繫獄死除

定襄伯郭登武定侯諸孫也正統七年以勦衛從征麓川九年從征騰衝有功歷署都指揮僉事十四年虜入塞進都督僉事副劉安守大同歷陞右都督景泰元年破虜栲佬山論功封伯祿千一百石與世券天順元年奪爵爲都督僉事南京尋謫戍甘肅成化年復爵鎮之召還充團營總兵八年卒贈侯子諡亡

子以兄子嵩爲後得嗣減祿五百卒予世指揮使  
撫寧侯朱謙夏邑人祖明國初歸附爲小旗子真代  
役累軍功歷鳳陽留守左衛指揮僉事謙襲父爲官  
累征迤北有功陞萬全都司都指揮使充右參將鎮  
守萬全累擒斬虜賊歷後府左都督奉勅充總兵鎮  
守宣府英宗北狩率子永出謁犒軍勞虜景泰元年  
捕虜龍門關中律封伯祿千一百二十石侯一年卒  
永嗣追給謙誥券奉天翊衛宣力武臣特進榮祿大  
夫柱國伯予世天順元年用宣府謁駕進侯成化二  
年以削平荆襄反者劉千斤斬獲首級三千上生擒

五千進侯增歲祿百二十石追予謙諡六年征進虜  
酋呵囉累擒斬予世侯十四年統軍魚兒河等處擒  
斬虜加太子太保十五年增祿米六十石其年征建  
州夷結朵顏遼東塞功最進太子太傅奉天翊衛推  
誠宣力佐理武臣特進光祿大夫右柱國保國公祿  
千五百石予誓身免二死子免一死流十七年禦虜  
亦思馬於大同戰海山生擒賊予世二十二年加太  
傅兼太子太師弘治五年陞太師兼太子太師弘治  
九年卒追封宣平王予諡自侯至公凡四十二歲子  
暉嗣正德七年襲嗣侯嘉靖十七年岳嗣亡子隆慶

二年從弟岡嗣

南和伯方瑛全椒人曾祖得銘從軍國初爲百戶祖  
信替職有功陞正千戶父政從靖難累都指揮僉事  
永樂四年年征交趾剿殺蠻寇陞都指揮攻黃山洞宣  
德八年鎮守四川收捕西北任昌黑虎等寨累陞右  
都督正統二年總奇兵征麓川死於軍追封威遠伯  
予諡瑛襲父官爲指揮使乞領父兵從定西伯報讎  
先登破賊寨陞都指揮同知六年從靖遠伯征麓川  
殺獲賊陞都指揮使攻破杉木籠寨生擒賊首陶孟  
靠等功陞都督僉事充參將守備雲南孟養阿嶺等

處破敵戰勝景泰元年以都督同知充參將鎮守貴州殺退苗賊陞右都督充總兵官鎮守貴州征進香爐山等處陞左都督五年封奉天副衛宣力武臣特進榮祿大夫柱國伯祿千石六年充總兵官征進銅鼓五開斬獲功多留鎮守貴州撫捕苗蠻天順元年論平蠻功進侯流予世伯祿千二百石賜誥券身免一死子免一死自伯至侯凡六年卒予諡天順四年子毅嗣坐罪革爵成化十五年孫壽祥嗣嘉靖十八年東嗣三十三年炳嗣隆慶二年應奇嗣卒亡子六年炳從弟燁嗣

南寧伯毛勝初名福壽和寧王阿魯台之裔祖毛邨  
海國初歸附授燕山中護衛閑牧官從靖難累陞都  
督同知卒亡子弟安泰襲兄官爲羽林前衛世指揮  
使子濟襲有征虜功亡子福壽襲兄官進爲都指揮  
使正統七年征破麓川陞左府都督僉事充右參將  
復征麓川八年論功陞都督同知十四年殺虜龍門  
陞左都督還守宣武等門禦虜犯京師出禦虜紫荆  
關充副總兵征進湖廣貴州興隆等處山峒擒獲苗  
王韋同烈等景泰三年往貫屯金沙擒獲賊子思機  
發五年封奉天翊衛宣力武臣特進榮祿大夫柱國

伯改名勝祿千石改世券身免一死還鎮守金齒等處伯四年卒追封侯予諡子榮嗣成化六年文嗣弘治七年良嗣嘉靖三十四年重器嗣卒亡子弟邦器嗣卒亡子四十一年弟國器嗣世

右景泰年封公一人伯五人世三人除一人

武功伯徐有貞吳人以副都御史與石亨迎太上皇南宮復皇帝位陞兵部尚書華蓋殿大學士封奉天翊運推誠宣力守正文臣特進光祿大夫柱國伯祿千一百石世指揮使身免二死子免一死仍兼華蓋殿大學士掌文淵閣事亡何下獄謫戍金齒除有傳

定遠伯石彪用舍人從從父亨有功授大同衛鎮撫  
以從亨蹂虜清風店陞都督僉事爲後軍右都督鎮  
守大同天順元年論殺虜功封伯尋論征虜功進侯  
四年伏誅

興濟伯楊善大興人以右都御史迎駕南宮天順元  
年封奉天翊衛推誠宣力武臣特進光祿大夫柱國  
伯祿千二百石給誥券身免二死子免一死卒贈侯  
子宗嗣成化元年予世錦衣指揮同知

文安伯張輓以功臣子累戰功爲中軍右都督迎駕  
南宮封奉天翊衛推誠宣力武臣特進光祿大夫柱



國伯給誥券身免二死子免一死祿千二百石與世  
券伯五年卒子斌嗣坐咀呪宥死間住世錦衣指揮  
使

太平侯張軌以勳戚入衛用軍功累陞右都督天順  
元年以迎駕南宮封奉天翊衛推誠宣力武臣特進  
光祿大夫柱國侯給誥券身免二死子免一死進封  
二代祿二千石卒贈裕國公子諡子瑾嗣成化元年  
予世指揮使

懷寧侯孫鏜東勝人永樂中襲父林爲指揮同知以  
殺處州寇退虜都城下累官右都督天順元年迎駕

官封奉天翊衛推誠宣力武臣特進榮祿大夫柱  
國侯祿千一百石身免一死給誥券流再與世五年  
勦反者曹欽長安門進侯加祿二百石尋與世成化  
初以殺曹欽功不與奪門同奪侯侯十五年卒追贈  
涑國公予諡成化七年子輔嗣十六年泰嗣弘治十  
五年應爵嗣正德十二年瑛嗣卒亡子嘉靖十八年  
弟瑄嗣二十三年秉元嗣三十八年世忠嗣

宣城伯衛穎華亭人父書國初以水軍爲總旗授薊  
州衛百戶從靖難有功累都督僉事穎襲官爲濟南  
衛指揮使正統十四年以山東都司署都指揮僉事

破虜營後軍都督府署都督僉事禦虜京師有功進  
都督同知天順元年諭迎駕南宮陞前軍都督府左  
都督其冬進封奉天靖衛推誠宣力武臣特進榮祿  
大夫柱國伯祿千一百石與誓免一死鎮守甘肅累  
殺虜破番有功成化初錄破番功增祿百石予世伯  
四十二年弘治十一年卒予諡子璋嗣正德十二年  
鐔嗣三十六年守正嗣隆慶二年國本嗣

昭武伯曹欽天順元年以太監吉祥從子從奪門功  
得封五年坐反伏誅

彰武伯楊信正統中從其伯父洪捕虜累功所鎮撫

至都督同知充總兵官天順二年佩將軍印總兵鎮  
守延綏領軍西黃梁三與虜戰擒斬賊首阿力台王  
封奉天翊衛宣力武臣特進榮祿大夫柱國伯祿千  
石給券與誓免一死流屢逐虜天順八年予世伯二  
十一年卒追封侯予諡子堉嗣弘治十年質嗣嘉靖  
十八年儒嗣四十一年炳嗣

武平伯陳友其先西域人寓全椒永樂中以馬軍從  
征虜大殺胡於塔灘山等處捕獲忠勇王也先土干  
部宣德初積功實授百戶復用招降捕虜功陞副千  
戶正統初屢入虜招降其男女送至進獻駝馬牛畜

貢使時時捕首虜功多累陞都督同知充左參將統  
兵征進湖廣貴州地方擒獲苗王賊首韋同烈等陞  
後軍都督府右都督留鎮湖廣累殺苗賊銅鼓五開  
諸處空其巢寨天順元年封奉天副衛宣力武臣特  
進榮祿大夫柱國伯祿千石世予誓免一死既伯與  
虜戰鎮番五十餘捕獲千餘二年進侯流加祿百石  
卒子能嗣伯成化二十年綱嗣弘治三年追封友沔  
國公予諡九年勳嗣卒亡子正德五年弟熹嗣嘉靖  
十三年大策嗣

年永祿嗣

豐潤伯曹義儀真人祖勇以開國功累燕山左衛左

千戶父勝從靖難征虜累陞本衛指揮僉事義襲世官永樂二十年征進半壁山等處有功宣德五年以湖廣都司署都指揮僉事征進江西梅花峒等處勦捕賊寇累功十年以中府都督僉事充總兵官鎮守遼東捕虜斬獲歷陞左都督天順元年授奉天翊衛宣力武臣特進榮祿大夫柱國伯祿千三百石世子誓身免一死子免一死伯四年卒追封侯予諡孫振嗣弘治三年愷嗣愷鎮守貴州兼提督清平等衛捕斬叛苗功多終掌南京前軍府事總理操江嘉靖五年棟嗣卒亡子嘉靖七年弟松嗣三十九年文炳嗣

懷柔伯施聚通州人父忠國初充燕山右護衛前所  
軍征進總可來亦都山大寧蔚齊眉山等處累有功  
歷陞金吾右衛世襲指揮使永樂七年征進飲馬河  
沒於軍聚襲父官累征虜有功正統十四年以右都  
督充總兵官協守遼東景泰三年殺賊登州營有功  
陞左都督天順元年封奉天翊衛宣力武臣特進榮  
祿大夫柱國予普祿千一百石身免一死二年予世  
卒追贈侯子諡子榮嗣天順八年鑑嗣弘治八年璜  
嗣卒子嘉靖八年瑾嗣十五年燾嗣三十四年嵩  
嗣隆慶三年光祖嗣

東寧伯焦禮山後廣寧人父八思台國初歸附除副  
州衛指揮僉事禮以舍人從軍有功宣德元年襲父  
官調守遼東禦虜多功虜人比之飛將軍累陞左軍  
都督府左都督天順元年封奉天副衛宣力武臣特  
進榮祿大夫柱國伯祿千二百石世賜券與誓身免  
一死子免一死侯七年卒子壽嗣卒亡子成化九年  
弟俊嗣弘治十四年子洪嗣卒子不嗣正德八年弟  
洵嗣卒無子十六年再從姪棟嗣卒贈太子太保子  
諡嘉靖四十二年文耀嗣

海寧伯董興未詳何許人石亨言其有靖除內難功



天順元年得封伯歲祿千一百石尋命鎮守總兵遼東不能圍虜科刻爲奸利曹欽誅坐流廣西除

武強伯楊能正統中從伯父洪有功累開平指揮使敗虜灣河三岔口擢都指揮僉事從洪還朝連敗虜紫荆倒馬二關景泰元年擢都指揮同知以遊擊將軍禦邊宣府敗賊八里溝八里村擢都指揮使仍充遊擊將軍統神機京兵尋擢後軍都督僉事充左參將鎮宣府進都督同知充左副總兵召還總神機京兵天順元年以殺賊功擢左都督總兵宣府大同有警請自行戰敗賊磨兒山石灰站進封奉天翊衛宣

力武臣特進榮祿大夫柱國伯祿千石流伯四年卒  
亡子弟倫嗣世指揮使

高陽伯李文未詳其所自起爲陝西都指揮督練西  
寧土兵天順元年以太同威遠殺賊累功封高陽伯  
流除

右天順年封侯二人伯十三人世七人除八人

寧晉伯劉聚濬人叔父永誠以太監出鎮甘肅聚從  
立功歷都督同知天順五年捕曹欽陞右都督成化  
六年充副總兵出延綏塞遇虜被七創濺血力戰大  
破虜擒斬七忽五等百級以上俘獲最陞左都督七

年自陳功封伯流祿千石再充總兵殺賊延綏九年  
予世十年卒進封奉天翊衛宣力武臣特進榮祿大  
夫柱國侯予諡有誥子祿嗣卒亡子十一年弟福嗣  
福爲京營總兵加大子太保卒十五年岳嗣卒亡子  
嘉靖六年弟子文嗣二十三年良璽嗣卒亡子三十  
五年叔斌嗣萬曆三年應元嗣

伏羗伯毛忠涼州人曾祖刺反洪武初從軍爲千戶  
祖拜都征哈密皆畢沒父寶永樂中從出塞功授百  
戶忠嗣父爲官初名哈刺累功行都司都指揮同知  
始賜毛姓又以功陞都督同知賜名天順初以征福

建百賊功陞都督同知充左府總兵鎮守甘肅復以勦虜功特進左都督成化三年以從宣城伯穎殺番功多封伯祿千石以討土胡滿四力戰中流矢于海孫鑑皆沒見卒夢曰吾當生擒四贈侯成化五年孫銳嗣追給誥券授奉天胡衛宣力武臣特進榮祿大夫柱國侯予諡世伯祿千石卒銳弘治十三年鎮兩廣加太子太傅劉瑾索銳金不能應正德三年落太子太傅奪祿十五勒罷瑾誅卒贈太傅予諡嘉靖三年江嗣卒亡子弟漢嗣卒亡子三十三年弟子栢嗣三十九年登嗣

武靖伯趙輔鳳陽人曾祖端開國功累官濟寧衛指揮使父本從征漢庶人陞都指揮輔嗣祖爲官正統十四年陞都指揮僉事管操尋陞署都督僉事充參將鎮守懷來等處累禦虜天順八年營建功陞後軍都督同知成化元年以總兵征蠻大藤山峽功最三年封奉天翊衛宣力武臣特進榮祿大夫柱國伯予券祿千二百石其年充總兵官征勦建州俘斬最進侯予誓免一死十年予世卒追封容國公子諡子承慶嗣正德三年弘澤嗣嘉靖八年世爵嗣二十三年國斌嗣萬曆二年光遠嗣

冒寧伯趙勝遷安人宣德中世官景泰元年累功陞都指揮僉事天順五年以討曹欽功陞督府同知以參將出固原捕虜有功成化四年陞都督充總兵鎮遼東七年捕斬朶顏有功召還十二年修京城加太子太保三千營總兵十九年封流伯祿千石又明年加太保卒贈侯予諡世指揮使銓錦衣

威寧伯王越濟人以兵部尚書兼憲職捕虜威寧海成化十六年封伯祿千二百石與世券仍左都御史掌院事十七年出寧夏佩征西前將軍印充總兵鎮大同移鎮延綏以斬虜首功加太子太傅增祿歲四

百石掌前軍都督府事總督團營叙一子錦衣百戶  
編管安陸再起握軍卒贈太傅予諡除

興寧伯李震南陽人父謙督府僉事震嗣指揮使正  
統中以征兀良哈木麓川香爐山螃蟻寨功陞督府  
僉事天順四年充總兵征武岡黎平賊五年攻兩廣  
貴州蠻陞同知成化元年還兵湖廣征荆襄賊歷陞  
左都督十二年諭征靖州苗功封伯流祿千石十四  
年革爵閒任二十二年復

順義伯羅秉忠父罔卽來沙河衛指揮永樂中討平  
肅州叛回哈喇馬牙陞都督同知二年以征阿台朶

兒功陞千戶累功陞指揮十年調平山衛十四年征  
辰沅擒苗曾萃同烈陞都督同知天順初陞都督成  
化三年充遊擊征貴州有功四年封伯流祿千石十  
六年卒予諡

靖安伯和勇和寧王阿魯台孫父阿卜只俺授左都  
督勇以父故爲錦衣指揮使正統十四年以紫荆關  
斬首虜功歷陞都督僉事天順元年進同知五年遊  
擊將軍征廣蠻成化元年再征有功陞左都督加祿  
歲百石己潯州獲叛酋斬首功多封伯流祿千一百  
石十年卒予諡子忠自歷戰功爲錦衣指揮僉事得



世

右成化年封伯八人世三人除五人

威寧侯仇鉞江都人世指揮同知立功以遊擊將軍  
守寧夏正德五年以討反者寧化王寘鐸功封伯祿  
千石與世券仍總兵守寧夏七年充平賊將軍征流  
賊以功進侯與世券加祿百石卒孫鸞嗣以罪除

右以捕反封

涇陽伯神英京師人國初高祖保以功爲大同指揮  
僉事父傑立功雲南進指揮使陞陝西都指揮英嗣  
指揮使延安衛累捕虜先登成化弘治間充總兵守

寧夏延綏宣府大同歷四鎮累官署都督劾致仕大  
賂劉瑾下兵部傳會前後功中律得封瑾敗奪伯爲  
右都督

右以禦胡功封

泰安伯張富新城人以弟太監永得爲錦衣指揮使  
正德五年絲右都督論永發捕劉瑾功推恩封嘉靖  
初除爲錦衣指揮使

安定伯張容富弟以兄太監永得爲錦衣都指揮僉  
事正德五年絲右都督論永發捕劉瑾功推恩封嘉  
靖初除爲右都督

永壽伯朱德不知何許人初冒太監裴姓爲義子曰  
裴德又曰武德又曰朱德正德五年以義兒賜姓封  
十六年下獄除

平涼伯馬山涿人正德五年以弟太監永成冒誅劉  
瑾功推恩封十六年除

鎮平伯陸永以兄太監閻封除

鎮安伯魏英榆次人正德五年以兄太監彬推恩封  
十六年革爲都督同知

永清伯谷大亮以兄太監大用冒平流賊功推恩封  
十六年除

永定伯朱泰故姓許起指揮驍勇通文義爲遊擊將軍征流賊有功陞都督賜國姓爲義兒從巡邊斬虜首封伯除

右以恩幸封

右正德年封侯一人伯十一人俱除

新建伯王守仁餘姚人以提督南贛汀漳等處軍務右副都御史擒反者寧王宸濠正德十六年封伯奉天翊衛推誠宣力守正文臣特進光祿大夫柱國兼南京兵部尚書身免二死子免一死祿千石流隆慶二年予世子正億嗣萬曆五年承勳嗣

右以捕反封

京山侯崔元代人尚憲宗女永康公主爲駙馬都尉  
嘉靖初以奉迎車駕封祿千五百石與世已坐張皇  
后親事下詔獄得釋

右以迎立封

恭誠伯陶仲文黃岡人

右以方術封

右嘉靖年封侯一人伯二人世一人除二人

彭城伯張昶仁宗昭皇后弟也父麒洪武中以女爲  
燕世子妃授兵馬副指揮食俸京師昶從靖難以義

勇中衛指揮同知累陞指揮使二十二年仁宗卽位  
以中軍左都督封奉天翊衛宣力武臣特進榮祿大  
夫柱國伯祿千五百石世子誓身免二死子免一死  
卒孫璟嗣成化十六年信嗣正德三年銘嗣嘉靖十  
七年勳嗣卒亡子三十年弟熊嗣

惠安伯張昇昶弟以舍人從靖難守城累出塞有功  
累陞後府都督同知洪熙元年陞左軍都督府左都  
督正統五年以功以親封奉天翊衛宣力武臣特進  
榮祿大夫柱國伯左都督如故祿千一百石世子誓  
身免二死子免一死昇循禮守法爲士林所稱卒孫

琮嗣卒亡子成化五年弟瑛嗣卒亡子十六年弟璿  
嗣弘治七年偉嗣卒贈太傅子諡嘉靖十七年鏞嗣  
三十四年元善嗣

會昌伯孫忠以宣宗章皇后父宣德四年封伯祿千  
石予世券卒贈侯予諡子繼宗嗣英宗復辟進侯加  
祿二百石予世券追贈忠安國公予改諡繼宗卒贈  
鄴國公予諡成化十六年孫銘嗣正德十五年梟嗣  
嘉靖八年以外戚恩澤除

安平伯吳安丹徒人以景帝生母吳太后弟封天順  
元年太后復爲貴妃除

安昌伯錢承宗以英宗孝莊睿皇后弟封卒予諡子  
維圻嗣嘉靖中以外戚恩澤封除

慶雲伯周壽成化三年以生母孝肅皇太后弟自督  
府同知進封十七年進侯予世弘治元年加太保卒  
贈宣國公予諡子瑛嗣除

長寧伯周璉成化二十一年以生母孝肅皇太后弟  
自都督同知進封予世卒正德三年子塘嗣十四年  
大經嗣例除

瑞安伯王源以憲宗純皇后弟成化二十年自中府  
都督同知進封與世弘治五年進侯卒贈太師予諡



崇善伯王清源弟弘治十年以都督同知封例除  
安仁伯王濬源弟正德二年以左都督封例除

昌化伯邵喜興化人嘉靖初以睿宗生母孝惠皇后  
弟自錦衣指揮使進封予世卒予諡子蕙嗣亡子族  
人杰嗣例除

壽寧伯張巒以孝宗敬皇后父弘治三年自督府同  
知進封五年進侯卒贈太保昌國公予諡子鶴齡嗣  
十六年加太保正德中進太傅嘉靖二年加太師以  
定策功進封昌國公前後祿八百石以罪除

建昌伯張延齡鶴齡弟弘治八年以都督同知進封

十六年進侯加太保嘉靖初加太傅前後祿千六百石以罪除

玉田伯蔣翰徐州人以睿宗獻皇后弟嘉靖元年以錦衣指揮僉事封卒贈太保予諡

慶都伯夏儒以武宗毅皇后父封

泰和伯陳萬言元城人以世宗孝潔皇后父嘉靖元年自都督同知封除

安平伯方銳以世宗孝烈皇后父嘉靖十九年自後府左都督封二十一年進侯卒子承裕嗣例除

慶都伯杜繼宗大興人以穆宗生母孝恪太后弟隆

慶元年自錦衣衛指揮僉事封

德平伯李銘以穆宗孝懿莊皇后父封

固安伯陳景行通州人以穆宗孝莊皇后父隆慶元年自錦衣指揮僉事進封

武清伯李偉宛平人以今上慈聖皇太后父隆慶六年今上卽位自都督同知進封

右以外戚封

保昌伯蔣廷珪以仁宗姪母夫封除

名山藏卷之四十三

晉江何喬遠

天因記

郭子興故曹州人父曰郭公善星曆壯無妻自曹望見帝星燭臨濠遂入濠伏蟄。定遠之定遠邑有富翁女瞽翁就郭公筭命。曰：女也翁曰恨瞽耳莫適聘郭公曰不鄙與我遂妻之既娶術益售家索日益遂爲定遠富人生三子子興仲子也卜曰此子乃貴子興長不事產業散財結豪傑子弟宿有馬公避仇入定遠年饑鬻女焉子興見馬公有俠氣大與

善撫女如自出高皇后也劉福通起徐人李二及彭  
早住趙均用陷徐汝潁亂子興亦與其豪傑子弟孫  
德崖等四人逐濠令自稱元帥元人攻之高帝入濠  
避兵門者擬高帝刃子興免焉召與語奇之以爲親  
兵而以高皇后妻高帝於是帝爲子興館甥子興勇  
悍敏決孫德崖等四帥田野人不足與謀子興心易  
之於是四帥協謀傾子興子興少與四帥會或會輒  
不合子興輒起去去則四帥專決之會元脫脫破李  
二屠徐早住均用窮蹙奔濠四帥納焉以二人故盜  
寇反爭推之出其下二人者早住頗有智數子興獨

禮之均用不嫌德崖謂均用曰郭公自有彭將軍耳  
有將軍耶相與執子興械之家將殺之高帝在淮北  
聞曰郭公吾父母也亟馳歸則謂子興子我公素厚  
彭薄趙禍必趙發卽與子興子馳告早住早住怒圍  
德崖家高帝從之發屋入子興鉗繫幽窖破械出之  
會元兵大至圍濠兩家警亦罷是時早住自稱魯淮  
王均用稱永義王挾子興東屯泗州高帝見二人不  
足共事棄之去未幾自相吞併早住中流矢死均用  
專兵益狠戾帝與徐達攻下滁陽兵勢漸盛使人說  
均用曰方今海內淆亂正收攬英雄之日公昔窘於

元郭公開門納公既又屈已下事公不思報德反欲先翦羽翼此自解體耳且郭公部屬尚衆卽或可圖事有萬一公亦豈能獨安均用心憚高帝稍稍待子興帝又使人賂其左右以解之均用縱子興歸子興乃得將所部萬人入滁至滁見高帝整大悅居再月有讒帝者子興疑焉奪帝權然帝事子興益恭元兵圍滁有告子興者曰朱館甥每戰不力子興信之使與帝俱其人出戰遽被矢還帝獨直前奮擊了無所傷子興乃愧歎蓋帝每戰有獲卽給士他將獲輒以獻子興故讒言得聞帝至士有獻高皇后者高皇后

轉以獻子興妻子興妻喜高帝乃安元脫脫旣破張士誠高郵轉圍六合六合將來乞師子興欲不與高帝曰六合受圍無捄則滁承之不可是時元兵號百萬諸將皆莫敢前高帝獨與趙德勝耿再成率師而東壘于瓦梁元兵攻壘壘乖陷德勝殊死戰矢中左股高帝斂入備糗梁外遣婦女倚壘門戟壬罵元師疑焉遂列隊出牛畜婦女居前丁壯翼後徐引去是時雖不能救六合然得因以還滁頃之元兵大至滁高帝覆而誘之涉澗大破之獲馬甚衆高帝詭還之具牛酒款元將曰城主子興老病不任行謹遣犒軍



城中皆良民所以結聚備他盜耳將軍欲獮戮之民固畏死非得已抑今高郵大寇未殲將軍舍而攻良民不令併力耶元將曰是也非良民官還馬卽解去子興居滌遂有安焉之志久之師乏食諸將謀所向子興言計多失帝數諫不聽鬱鬱致疾子興再三召帝力疾往告曰困守孤城非長計若謀所向惟和陽可然和陽小而堅可計取難力破也子興曰安出帝曰向攻民寨特得兵號三千其文曰廬州路義兵今擬簡萬三千人三千人被青萬人被絳青衣椎髻左衽佯爲彼兵載四橐馳聲言廬州兵送使者和陽犒

上和陽必納亡疑納則乘以絳土取之必矣子興曰善使張天祐湯和領青衣三千趙繼祖爲使者前行而使耿再成領絳衣萬人繼之期於城門會天祐從它道食失期元將覺縋而戰再成不利中矢走衆皆潰元人追之日暮還天祐始至遇於道急擊勝元人夜還追至小西門元人抽門橋我軍奪焉湯和鼓刀斷其橋繩天祐登城大呼衣服相亂遂入據之而再成奔卒歸以敗告子興大驚咎帝失計俄報元遣使來招降兵且至于興益恐高帝曰毋畏空滁兵萃于南召元使從南門入叱令膝行見子興見元使言多

輒張帝每翼馬衆欲戮之帝曰兵出城虛戮使者速之也威而歸之彼且恐子興從高帝計明日元兵果遁子興徒謂再成天祐已陷沒使高帝將三千人往收其已卒高帝復得千餘人與徐達李善長將之夜至和陽乃知天祐等已破城入呼於門門炬高帝免胄示之遂入明撫定城中元兵復至帝開門擊之皆大敗於是子興以和陽盡委帝使帝總其兵帝念總兵當位諸將上而諸將多子興部曲素比肩年又長乃夜令人撤署中座置木榻俟旦會以觀其意旦諸將先入皆右坐璽最左末席與帝但皆相視不能可

否事事獨帝決之帝以和陽不城與諸將限丈尺分  
甃居三日帝甃就視諸將未也帝遂作色置坐南向  
出子興檄曰主帥命我總諸公也公等城不甃奈何  
今與諸公約違者以軍法相治皆惶恐服久之德崖  
餉絕率所部自濠來假居高帝謂諸將曰不假孫公  
不惟失濠和亦危矣許之子興聞大怒自滁來帝迎  
見子興不言者久之已而曰汝爲誰帝稱名對因曰  
昔公困辱孫氏某實破其家以出今來此公無宿憾  
乎子興默然是時德崖亦不自安請還去高帝曰今  
兩軍合處一城驟以主帥來盡去下人必有不諧者

公當令諸軍先行而自畱後德崖從之於是帝先送德崖部帥行頃之于興與德崖鬪兵卒多傷高帝聞之與耿炳文吳禎策騎逐高帝驅之孫家軍逐之抽刃隘道皆曰城中鬪我軍傷公子不知耶高帝曰吾送部帥諸公後我前安得知孫家軍弗聽亟持帝馬銜擁而行孫家軍中多帝故人一人謂諸軍且釋銜銜稍縱帝馳諸軍追之兵及於身帝時衷甲無所傷展轉十餘里短兵及墜馬傍有乘馬者復帝故人呼與同載既數里遇德崖弟麾兵前客張者又帝故人告曰公兄在郭公所若殺朱君郭公必不相放盍少

待吾馳觀之至則子興方繫德崖頸與同食張亟反  
曰若如爾爲公兄死矣乃爲孫家軍固請張客夜同  
高帝寢樓高帝肩孫家軍旦止高帝麻陽中子興聞  
之乃遣徐達數人博質釋德崖高帝乃歸已何子興  
卒高帝服喪而葬之時劉福通迎立小明王爲帝檄  
子興子爲都元帥張天祐爲右副元帥帝爲左副元  
帥帝不受遂併統子興軍德崖見子興死來爭滁竟  
爲吳禎胡大海所殺而子興長子一作三子與天祐渡江  
及元兵戰敗沒一作皆子興凡四子帝爲館甥時先  
二子困帝者屢矣嘗閉之虛舍絕其食高皇后私懷

籍焦舖帝二子窺之后匿焦當膺腐異日者爲酒  
召高帝欲毒之后先告二子輅帝陽喜與往中途馬  
上躍而跪仰天如見聆已據馬頓首謝抽鞅還嚇曰  
咄天神語朕公等乃生不良心二子瞞然失色下共  
謝高帝三年追封子興滁陽王妻滁陽王夫人庶滁  
州繪其三子廟壁生卒節序皆有祭而季子老舍尚  
在召欲官之高后謂老舍曰皇帝法所不可無親暱  
今官爾爾勝官乎老舍悟入見帝曰官爾老舍頓首  
曰陛下官臣則與臣百品帝曰是何官也大陳文武  
臣民冠恣取之冠有椶頂帽帽百目老舍俯取曰是

世帝曰其學於成均乎老舍曰不也臣請得寇是寇  
障蔽風日耕於瘠鹵之崗帝曰善卽日賜牛一頭馬  
十二蹄送歸山中復其家滁陽王一女充後宮生蜀  
王今有子孫寇帶奉王後

小明王韓林兒者徐人羣盜韓山童子自其祖父爲  
白蓮會惑衆衆多從之元末山童倡言天下亂彌勒  
佛下生明王出江淮之人騷然皆動黃河南徙元用  
寶魯鑿求禹故道山童陰作石人一眼當遷埋之鑄  
其背曰石人一眼天下四反河丁掘得相驚詫於是  
潁人劉福通與其黨杜遵道盛文郁羅文素等告衆



曰山童宋徽宗八世孫也當帝天下我劉光世後合  
輔之聚衆三千人于白鹿莊殺黑牛白馬誓告天地  
約起兵兵用紅巾爲志元得山童捕殺之林兒逃之  
武安山中福通據朱臯攻破羅山真陽確山杞舞陽  
葉諸縣及于汝寧光息衆至十萬元順帝十五年福  
通曰碭山夾河求得林兒復立之號小明王都亳國  
並宋改元龍鳳遵道文郁稱丞相文素與福通稱平  
查遵道得寵專權福通使人殺之自爲丞相滁陽王  
宋使人招其諸將時高帝新得和陽使張天祐守  
之元人數困和陽帝方出擊元軍諸將謂天祐曰公

度能自却退元兵乎不然當往天祐聽其計往見小  
明王以爲右副元帥而檄滁陽王子爲元帥高帝爲  
左副元帥高帝見檄不受曰大丈夫不副人諸將曰  
明公方欲渡江舉吳楚兼甌越今滁和間已屬我不  
受宋命生一敵也受之緩急猶可倚夫公方舉大事  
奈何於小豎子見氣耶公曰若是則用其年紀元破  
福通兵太康進圍亳福通以小明王奔安豐龍鳳四  
年福通與其黨關先生白不信李喜大刀敖毛貴等  
分三道入元晉冀關中山東諸郡多所陷沒軍聲大  
振已攻汴入其城小明王都之關先生等焚元上都

轉略遼陽東至高麗然與元戰亦互有勝負其所攻陷城邑元亦旋復之其明年福通爲察罕帖木兒擊敗還奉小明王安豐龍鳳八年福通又爲察罕帖木兒擊敗於益都還走安豐部下健將皆亡其明年張士誠將呂珍攻安豐廬州左君弼助之福通以急請高帝自將救之劉基曰奈何不急漢高帝不聽未至呂珍已破安豐殺福通三月高帝至擊呂珍大破之乃與小明王還建康先是龍灣之捷諸將欲奉小明王爲帝劉基怒不許陳天命所在然高帝用其年紀如初十二年小明王死乃以明年爲吳元年

郎曰滁陽帝業所以興抑天作高后之合乎小明王  
暨子耳爲人所以非若漢之於義帝者業用其年紀  
安豐之難舍漢而存之待其殂乃稱吳元年明德厚  
矣